



TOSHKENT DAVLAT YURIDIK UNIVERSITETI REKTORINING B U Y R U G ' I

16.09.2022

262-um-son

“Xorijiy ilmiy tadqiqot va qonunchilik dayjesti” loyihasini amalga oshirish to‘g‘risida

O‘zbekiston Respublikasi Prezidentining “O‘zbekiston Respublikasida yuridik ta‘lim va fanni tubdan takomillashtirish bo‘yicha qo‘shimcha chora-tadbirlar to‘g‘risida” 2020-yil 29-apreldagi PF–5987-son Farmonida belgilangan vazifalar ijrosini ta‘minlash hamda universitetda ilmiy-tadqiqot ishlarini olib borish uchun mavjud bo‘lgan sharoitlarni yanada yaxshilash, o‘quv jarayoniga huquq fanining zamonaviy tendensiyalarini kiritib borish va universitetda olib borilayotgan qonun ijodkorligi jarayoniga uslubiy jihatdan ko‘maklashish maqsadida

BUYURAMAN:

1. Toshkent davlat yuridik universitetida xorijiy mamlakatlardagi ilmiy tadqiqotlar va yangi qabul qilingan normativ-huquqiy hujjatlarning doimiy monitoringini yuritish hamda tegishli axborot-tahliliy materiallarini tayyorlash bo‘yicha “Xorijiy ilmiy tadqiqot va qonunchilik dayjesti” loyihasini amalga oshirish yuzasidan taklif ma‘qullansin.

2. Quyidagilar:

“Xorijiy ilmiy tadqiqot va qonunchilik dayjesti” loyihasini amalga oshirish bo‘yicha ishchi guruh (keyingi o‘rinlarda – ishchi guruh) tarkibi 1-ilovaga;

Ilmiy tadqiqot va yangi qabul qilingan normativ-huquqiy hujjatlarning doimiy monitoringi olib boriladigan mamlakatlar ro‘yxati 2-ilovaga;

Xorijiy mamlakatlardagi ilmiy tadqiqotlar to‘g‘risida axborot-tahliliy material namunasi 3-ilovaga;

Xorijiy mamlakatlarda yangi qabul qilingan normativ-huquqiy hujjatlar to‘g‘risida axborot-tahliliy material namunasi 4-ilovaga muvofiq tasdiqlansin.

3. Belgilab qo‘yilsinki, 2022-yil sentyabr oyining to‘rtinchi haftasidan boshlab doimiy ravishda:

ishchi guruh ekspertlari har haftaning dushanba kunida 2-ilovada nazarda tutilgan mamlakatlar bo‘yicha o‘ziga biriktirilgan monitoring doirasida xorijiy

mamlakatlardagi ilmiy tadqiqot va o'tgan hafta davomida qabul qilingan yangi normativ-huquqiy hujjatlar haqida tayyorlangan axborot-tahliliy materiallarni tegishincha 3 va 4-ilovadagi namunaga qat'iy rioya qilgan holda ishchi guruh koordinatoriga topshiradi;

ishchi guruh koordinatori ishchi guruh ekspertlari tomonidan taqdim etilgan axborot-tahliliy materiallarni umumlashtirib, har haftaning chorshanba kuniga qadar Tahririy-nashriyot bo'limiga topshiradi;

Tahririy-nashriyot bo'limi umumlashtirilgan axborot-tahliliy materiallarni tahrir, musahhihlik, dizayn-maket va boshqa nashrga oid ishlardan o'tkazib har haftaning juma kuniga qadar "Telegram" messenjerida maxsus tashkil etilgan kanalga joylashtiradi hamda obunachilarga elektron pochta orqali yuboradi;

Tahririy-nashriyot bo'limi "Yuridik fanlar axborotnomasi" jurnalida "Xorijiy ilmiy tadqiqot va qonunchilik dayjesti" ruknini joriy qilib, unga har chorak davomida tayyorlangan axborot-tahliliy materiallarni umumlashtirilgan holda joylashtiradi.

4. Ilmiy ishlar va innovatsiyalar bo'yicha prorektor B. Xodjayev har olti oy natijalariga ko'ra ishchi guruh a'zolari hamda uning faoliyatiga jalb etilgan iqtidorli talabalarni rag'batlantirish bo'yicha taklif kiritib borsin.

5. Mazkur buyruq ijrosini nazorat qilish ilmiy ishlar va innovatsiyalar bo'yicha prorektor B. Xodjayev zimmasiga yuklansin.

Rektor



A.TASHKULOV

Toshkent shahar

Kiritildi:

Direktor

S.LATIPOV



Kelishildi:

Moliya-iqtisod ishlar bo'yicha
prorektor

A.IMINOV



Ilmiy ishlar va innovatsiyalar
bo'yicha prorektor

B.XODJAYEV



yuriskonsult

D.ALIBOYEV

